

In divi Maximiliani⁸⁸ Romanorum Imperatoris

semper Augusti laudem et praeconium
 Henrici Glareani Helvetii poetae Laureati
 In gymnasio Montano apud Agrippinenses
 philosophantissimi et Mathematici perspicatissimi
 Carmen Panegyricum.

Et pro sua laude quaedam alia lectu digna.

Magistri Henrici Bardwicensis Juris Canonici
Baccalaurei viri eruditissimi Hexastychon.

Quisquis amas musas et in alta phocide nymphas,
 Fige pedem. quonam extulit accipe Max[i]milianus
 Hunc nostrum claro Glareanum munere Caesar
 En lauro caput ornatur. Medius capit aurum
 Gemmiferum digitus. Caesar valedixit eidem:
 Vade in pace, tuae gentis fidissime fautor.⁸⁹

Ad divum Maximilianum
Romanorum Imperatorem semper Augustum
Henrici Glareani Helvetii panegyricum.⁹⁰

Inclyte Romulidum Caesar, quem summa tonantis
 Maiestas mundo statuit pietate verendum,
 Praefecitque unum divina potentia rebus
 Qui secum placide spaciosum temperet orbem
 Qui tua me pietas, et magnificentia sceptri
 Audiat (en ceruis) rogito tua numina supplex.

Arsacas Arsacides⁹¹, et Achemenas astra putabant
 Astrologi Persae, Ptolemaeos fama per orbem,
 Sparsit in extremam Nili septemplex undam:
 Laomedontaea fortunatissimus urbe
 Infelix Priamus, Pelopeia ad arva volabat,
 Nomineque et fama celebris, currenteque vatum
 Materie⁹² (quid enim non audet Graecia mendax?).
 Cecropis et Thesei⁹³ quam clarum nomen Athenis,
 Antiochique Syris, nullo debile saeclo.
 Proinde haec vana abeant, ne tempora perdere dicar
 Verborum longa ambage, exorsisque remotis.⁹⁴

Eia age, Pannoniae⁹⁵ celeberrima gloria gentis,
 Rex Romane fave, cui longo serviet aevo
 Sol oriens, solque occiduus,⁹⁶ polus auster, et arctos.

Nanque in Hyperboreis,⁹⁷ Tanais qua frigidus undis
 In Maeotica abit vada, tu venerabilis oris,

Ptolemaei

Priamus

Cecrops, Theseus
AntiochiTanais
Maeotis palus